



Ert þú
áskrifandi
að viku-
blaði
verkafólks?

Málgaðn Kommúnistaflokks Íslands/Marxista-Lenínista

39. tölublað

Þriðjudaginn 8. nóvember

6. árgangur.

Verð kr. 60.

Rányrkja íslenska auðvaldsins



Á síðasta áratug var síldarstofninum nær eytt, og réði þar mestu um hömlulaus gróðafisk síldarkóna.

Íslenska þjóðin stóð saman sem heild í baráttunni fyrir útfærslu landhelginna í 200 mílur, en þó á tveimur ólíkum forsendum. Íslensk alþýða barðist í landhelgisráttunni til tryggingar þjóðlegum sjálfs-ákvörðunarrétti og hún sættir sig ekki við undanþágur til erlendra ríkja til veiða í fiskveiðilögsögunni. Íslenska borgarastéttin barðist í landhelgisráttunni aðallega að kröfu einokunarauðvaldsins sem vildi sitja eitt um hituna af íslensku fiskimiðunum. Þar réð gróðasjónarmið ferðinni og ætlun auðvaldsins er svo sannarlega að halda uppi rányrkju á miðunum.

Landhelgisbaráttunni er alls ekki lokið, hún er aðeins rétt hafin. Því enn hefur ekki tekist að koma í veg fyrir rányrkju og auk þess hefur aðeins náðst fram 200 mílna fiskveiðilögsaga en ekki full yfirráð yfir 200 mílna siglingalögsögu. Við þurfum full efnaleg yfirráð yfir 200 mílna landhelginni.


Á að útrýma þorskinum?

Matthías Bjarnason sjávarútvegsráðherra ætlar sér að hafa að engu vísindalegar kannanir fiskifræðinga Hafrannsóknarstofnunarinnar. Kenning Matthíasar er í stuttu máli sú að mikill afli tákni að ástand fiskistofnsins sé gott. Hafrannsóknarstofnunin lagði til að á þessu ári yrðu veiddar 275 þús. lestir af þorski en í lok október var aflinn kominn yfir 300 þús. lestir. Ef fer sem horfir verður aflinn orðinn 330 þús. lestir um áramót. Tillaga Hafrannsóknarstofnunarinnar felur í sér þau markmið að stækka þorskstofninn, sérlega hrygningarstofninn og ná þannig 450 þús. lestum sem varanlegum hámarksafli. Árið 1953 var þorskaflinn 550 þús. lestir og á árunum 1930-1932 fór hann einnig yfir 500 þús. lestir. Á þeim tímum voru notaðir síðutogarakláfar en í dag gætum við ekki þrátt fyrir alla okkar

tækni og nýtsku skuttogara, náð slíkum afli. Málið er það að aflinn stjórnað af sókninni og með skynsamlegri og skipulegri nýtingu fiskstofnanna þarf ekki að óttast hrun þeirra eins og varð um síldina 1968-1969.

Rányrkjan.

Árið 1976 veiddu Íslendingar 270 þús. tonn af þorski, þannig að án nokkurra förna hefði verið hægt að fara að ráðleggingum Hafrannsóknarstofnunarinnar. En gróðasjónarmið krefst eins mikils og skjótfengins gróða og mögulegt er hverju sinni. Íslenskt auðvald er þar engu betra en erlent auðvald. Þetta afhjúpaðist berlega í orðum sjávarútvegsráðherra í útvarpinu þar sem hann benti á að Englendingar hefðu í fyrra veitt 50 þús. tonn en ekkert í ár. Og þar sem afli landans hefði aðeins aukist um einmitt þessi 50 þús. væri ekki um neina rányrkju að ræða. (Óbein tilv.). Fyrir Matthíasi liggur ekki það sjónarmið að vernda fiskinn í Ísl. fiskveiðilögsögunni fyrir rányrkju, heldur er stefna hans að leitast við af fremsta megni að gefa auðvaldinu eins frjálsar hendur til ofveiði og honum er unnt. Og samkvæmt vísindalegum rannsóknum mun stefna hans leiða til þess að þorskurinn lognast út af, ef ekki verður gripið í taumana og Matthías með sitt fylgdarlið verði látinn víkja. Á þessu ári eru nefnilega þegar komnir til landsins eða eru í smíðum - 18 skuttogarar.



Mót mælastaða BSRB fyrir utan Háskólann.

Verkfallsvopnið og BSRB:

Í kjaradeilu BSRB við ríkisvaldið hafa á ýmsan hátt verið gerðar tilraunir til að vekja fjöldann til baráttu og auka virkni almennta félagsmanna í BSRB. Árangursrík verkfallsbarátta verður aldrei háð, nema fjöldinn sé einhuga um og móti þær kröfur sem barist er fyrir og þær baráttuáferðir sem þeitt er því voru fundirnir sem haldnir voru í öllum félögum BSRB, um land allt, þegar sáttatillagan var kynnt mjög mikilvægir. Þar gafst mönnum kostur á að kynna sér hvað fólst í þeirri sáttatillögu, sem greiða átti atkvæði um, koma með fyrirspurnir og setja fram álit sitt á þeim. Þessir fundir urðu einnig til að þjappa saman félögum BSRB fyrir þau átök sem framundan voru.

Daglegir fundir í verkfallinu.

Er verkfallið skall á tóku 2 fjölmennir hópar ríkisstarfsmanna þ.e. Starfsmannafélag ríkisstofnana (um 2500 meðlimir) og kennarasamböndin SÍB og LSFK (rúmlega 2000 meðlimir) uppá nýbreytni að hafafundi eða opið hús fyrir félagsmenn daglega á meðan á verkfallinu stóð. Þar var kynnt staðan, bæði í samningunum og framkvæmd verkfallsins, og fulltrúar úr samninga-nefndinni mættu þar og skýrðu frá gangi mála og svörðu fyrirspurnum. Þrátt fyrir það að fundirnir hefðu ekkert ákvörðunarvald í sambandi við samningana voru þeir þó vissulega stórt skref framvið til aukins lýðræðis og sýndu glögg hve mikill styrkur slíkir fundir geta verið í verkfallsbaráttu.

Í fyrsta lagi er það mjög mikilvægt, að þeir sem standa í verkfalli hafi sem bestar fréttir af stöðunni í samningunum og framkvæmd verkfallsins. Það er einungis verið að gefa borgurum vopn uppí hendurnar ef borgaralegir fjölmiðlar eru einir látnir um slíkan fréttafloðning. Í öðru lagi er það nauðsynlegt að samninga-nefndin sé í sem bestum tengslum við fólkið í félögunum og

að ákvarðanir hennar í samningunum endurspegli vilja félagsmanna.

Það kom einnig í ljós að slíkir fundir örva fólk mjög til beinnar þátttöku í verkfallsvörslu og öðru sem viðkemur framkvæmd verkfallsins. Á fundunum voru menn hvattir til að koma til starfa og ætíð skráð niður fólk á hverjum fundi til verkfallsvörslu og annara starfa. Varð það til þess að margir sem ella hefðu setið heima og hugsað sem svo "Mín er ekki þörf í verkfallsvörslunni" mættu í vörsluna, og öðluðust þannig reynslu og meðvitund í þeirri baráttu sem háð var. Fundirnir urðu einnig til að afhjúpa fyrir almennum félagsmönnum þá forystumenn sem ætíð voru reiðubúnir að hlaupast undan merkjum og svíkja baráttuna. Þeir komu á fundina og voru yrstir til að koma fram með uppgjafatón og úrtölur. Sú uppgjöf hlaut þó lítinn hljómgrunn hjá félögum sem vildu berjast til þrautar til að ná fram rétti sínum. Aukin fjöldavirkni og fundasókn er slíkum stéttsvikurum síst að skapi og gera þeir allt sem þeir megna til að hindra að félagsmenn fái að koma skoðunum sínum að framfæri. Tvö dæmi má nefna um það hvernig afstaða þessarra nanna lýsir sér í reynd. Þegar Starfsmannafélag Reykjavíkurborgar hélt fund um samning sem forystan hafði gert við borgina og átti að vera til kynningar á honum mætti forystan með 70 eintö til að dreifa á fundinum. Þetta var sú fundarsókn og áhugi sem þeir bjuggust við í 1800 manna félagi. Annað dæmi er stjórnsýndi LSFK, sem sýndi í verkfallinu að hún er á engan hátt fær um að leiða baráttuna, þar sem hún er andsnúin baráttu fjöldans. Stjórnin sá ekki ástæðu til að halda fund um samninginn nú eftir að verkfalli lauk, þrátt fyrir að í þessum samningi séu ótal atriði, sem varðakennara sérstaklega auk almennra atriða. Stéttsvikarnir vilja á allan hátt reyna að draga úr lýðræðinu innan

framhald á bls. 2

Handprjónasamband Íslands

S.Í. laugardag var haldinn í Glæsibæ í Reykjavík stofnfundur Handprjónasambands Íslands. Fundurinn hófst 15 mín. á eftir áætlun, ekki vegna þess að of fáir væru mættir til að hægt væri að setja fund, heldur vegna hins, að svo margir mættu, að hlaupa þurfti um allt hús til að fá fleiri stóla og dugði þó ekki til því margir stóðu. Gestir fundarins voru þau Björn Jónsson forseti ASÍ, Aðalheiður Bjarnfreðsdóttir formaður Söknar og Sigurður I. Ignússon formaður framleiðslusamvinnufélags iðnaðarmanna Lagði Sigurður eindregið til að stefnt yrði að stofnun samvinnufélags. Borguðu félagar þá ákveðið stofngjald sem endurgreitt yrði við úrsögn úr félaginu. Félagið keypti síðan vörur af félögum sínum og seldi sjálft beint út. Hagnaður félagsins yrði svo greiddur út sem arður í hlutfalli við innlegg.

Fyrst um sinn hefur þó verið stofnað hagsmunafélag, sem mun reyna að ná samningum við kaupendur, um hækkað

vöruverð. Ef hagstæðir samningar nást ekki hyggst félagið hefja sjálft útlutning og er undirbúningur þess þegar hafinn.

Einn klúbbur handprjónara hefur þegar verið stofnaður, en hann er á Akranesi með yfir 40 félögum. Þrátt verður einnig stofnaður klúbbur í Borgarnesi og verða þar að öllum líkindum yfir 50 félagar. Ætlunin er, að þessir klúbbar út um land safni saman prjóna vörum félaga sinna og sendi þær til félagsins í Reykjavík sem síðan annast sölu, annað hvort til innlendra kaupenda eða beint út. Hvatning kom til handprjónara um að senda ekki vörur frá sér til verslana á fyrri samningar við þær hafa náðst. Handprjónasambandið býðst til að útvega félögum sínum lopa til að prjóna lager, meðan á þessu verkfalli stendur, en þá verður líka að vera tryggt að sambandið fái vöruna aftur.

Á fundinum í Glæsibæ voru um 500 konur og var einhugur mikill. Voru sumar konurnar komnar langt að og margar



frá Suður- og Vesturlandi. Fólk er hvatt til að fylgjast vel með tilkynningum frá sambandinu. Þrátt mun verða auglýstur giróreikningur og getur fólk borgað stuðningsframlög og félagsgjald sitt, kr. 3000 inn á hann og fengið félagsskrifteini til baka. Samb

framhald á bls. 3.

LEIÐARI

Októberbyltingin
60 ára

Sumir atburðir sögunnar hafa meiri áhrif en aðrir, þó er það sennilega fátt sem skipt hefur meiri sköpum fyrir jafn marga eins og Októberbyltingin. Aldrei fyrr í sögunni hafði bylting orðið til að frelsa fjöldann og koma honum til valda. Það hafði verið gerð bylting sem svipti eignastéttina völdum og færði þau í hendur eignaleysingjunum. Þegar þessi tíðindi bárust um heiminn fyrir 60 árum síðan voru þau það skelfilegasta sem auðmannastéttin hafði þá heyrt. Á þessum tíma átti borgarastétt Evrópu í heimsstyrjöld, en við þessa voðalegu frétt, um að öreigastéttin hefði tekið völdin, var strax samið friður, en herjunum snúð gegn þessum nýja óvini, sem var miklu hættulegri en nokkur annar andstaðingur. Auðmannastétt heimsins sem áður hafði borist á banaspjótum, stóð nú saman eins og einn maður gegn boðberum þeirrar kenningar aðfrjáls þróun einstaklingsins væri forsenda frjálsrar þróunar heildarinnar. Hin nýja bylting frelsaði einstaklinginn undan arðráni og kúgun yfirstéttarinnar og svipti hana völdum og eignarrétti á framleiðslutækjum þjóðfélagsins en færði þau þess í stað í hendur alþýðunnar. Með þessu tryggði byltingin frelsi einstaklingsins og frjálsa þróun heildarinnar. Þetta voru váleg tíðindi fyrir eignastéttina, sem skynjaði það hættulega fordæmi sem Októberbyltingin var alþýðu heimsins. Hermenn þessa nýja óvina voru ekki erlendu óvinaher heldur öreigastétt allra landa. Sem heimaði afnám kapitalismans með vopnaðri byltingu sósíalismans. Síðan þetta skeði eru liðin 60 ár og á þessum tíma hafa skipst á sigrar og ósigrar í frelsisbaráttu alþýðunnar. Auðmannastéttin hefur háð marga blóðuga baráttugegn frelsisbaráttu alþýðunnar. Frá 1917 til 1920 börðust erlendir herir 14 ríkja í Rússlandi til að brjóta Októberbyltinguna á bak aftur og í fimm ár reyndu fasistasveitir Hitlers að aflífa byltinguna í mannskæðustu átökum heimsstyrjaldarinnar síðari. En sósíalisminn og frelsisbaráttan hefur ekki enn mætt svo sterkum óvini að hún hafi ekki getað sigrast á honum að lokum. Sagan hefur sannað að helsta von mannkynsins, sósíalisminn táknar frelsi alþýðunnar og einstaklingsins undan kúgun fámennrar yfirstéttar sem lifir á arði af vinnu fjöldans, en sagan hefur líka sannað að þrátt fyrir að sósíalisma hafi verið komið á þá heldur baráttan áfram. Það eru alltaf til þeir menn sem vilja endurreisa kapitalismann, menn sem vilja skara eld að sinni kóku á kostnað fjöldans. Þess vegna heldur stéttabaráttan áfram í sósíalismannum og verður jafnvel enn harðari en áður. Það er aðeins ein leið til að endurreisa kapitalismann í sósíalísku þjóðskipulagi eins og sannað hefur verið með endurreisn kapitalismans í Sovétríkjunum. Í gegnum valdastofnanir ríkisins og æstu einingar flokksins getur borgarastétt af nyrri gerð það völdum og komið á kapitalísku þjóðskipulagi. Þar sem vinna fjöldans skapar einka-gróða og þar sem ánauð fjöldans skapar völd einstaklingsins. Þannig er komið fyrir Sovétríkjunum. Í dag, landi Októberbyltingarinnar. Borgarastéttin hefur aftur náð völdum, með því að einstaklingshyggjumenn náðu undirtökunum í sósíalíska ríkiskerfinu og flokknunum og hafa í dag afnumið sósíalismann og endurreist kapitalismann, sjálfum sér til dýrðar. Gagnbyltingin í Sovétríkjunum er mesti ósigur sósíalismans, en ósigurinn er hægt að snúa upp í sigur með því að læra af mistökunum og vinna stærri sigra í framtíðinni. Ósigurinn í Sovétríkjunum 1956 hefur fært okkur dýrnatni reynslu, semmun verða hornsteinninn að enn stærri sigurum í framtíðinni. Framtíðin er björt og Októberbyltingin er lýsandi dæmi fyrir byltingarbaráttu alþýðunnar um allan heim.

frh. af bls 3
Hans Martin Schleyer
og vinir hans.

"Carlos" og sagði hann vera í sambandi við hinýmsu hryðjuverkasamtök. Einnig var hann sagður í sambandi við þjóðfrelsishreyfingar eins og PLO. En sú lygasaga er svo illa gerð að hún heldur hvergi vatni. Til dæmis var sagt að fimm óvopnaðir lögreglumen hefðu farið að handtaka þennan hættulega mann. En franska lögreglan reynir aldrei að handtaka neinn vopnlaus, hún er einmitt þekkt af þessu gagnstæða.

Lögin gegn þýskum kommúnistum eru reyndar gömul. Þau voru sett á fimmta áratugnum. Með þeim er vinstri mönnum bannað að starfa hjá ríkinu. Á erlendum mörkuðum teigir þýska ríkið æ lengra út klárar. Ítölum var hótad um stöðvun allra lama ef þeir leyfðu "kommúnistum" að setjast í ríkisstjórna. Þýsk vopnasala blómstrar og þýskt fjármagn er flutt út í vaxandi mæli. Ekki þarf að efa að meiri harka verði tekin upp eftir óskum þýskrar borgarastéttar af hún telur þess þörf.

FRAMHALD AF BAKSÍÐU

Baader Meinhof

Þá var eðlilegt að upp spryttu hópar sem segðu auðvaldsþjóðfélaginu stríð á hendur og gripu til vopna. Þróunin eftir þetta er hverjum ljós.

Valdastéttin hefur skert lýðræðið mjög og ekki aðeins starfsemi terrorista eins og Baader-Meinhof, heldur skerða þeir frelsi vinstri-sinn aðra hópa og gera svívirðilegar árássir á rottaka ríkisstarfsmenn. Nú eru uppi raddir meðal valdamanna í Þýskalandi um að banna nokkra flokka, þar á meðal Moskvusinnaðan kommúnistaflokk og nokkra marx-leníníska flokka.

Valdastéttin notar þannig óvinsældir terrorista til að hefta starfsemi vinstri-manna. Vel að merkja þá vinstri-menn sem fordæma svokallaða borgarskæruliða.

Hryðjuverkamenn og verka-lyðurinn

Markmið hryðjuverkamanna var að steypa valdastéttinni. Þeir hafa bara einfald-

lega ekki komið auga á þann sannleika að folkið er aflið og einungis sameinuð alþýðan getur sigrað hinn volduga óvin sem auðvaldið er. Þeir eru gjörsamlega slitnir úr tengslum við verkafólk.

Áður hafa komið upp viðlíka hópar innan andstöðuhreyfinga. Eitt dæmi mætti nefna þar sem nihilistarnir í rússneska keisaradæminu voru. Um gagnsleysi þessarar stefnu vitnar eftirfarandi saga: Í kringum 1890 myrtu rússneskir nihilistar keisarann Alexander II. Afleiðingin varð sú, að til valda kom Alexander III og ógnarstjórnina herti til muna.

Baader-Meinhof hreyfingin er komin úr tengslum við alþýðuna og raunar hafa félagar hennar löngu glatað markmiðinu, sem sest best á því að tilgangur hreyfingarinnar er nú eingöngu sá að viðhalda sjálfri sér. Allar aðgerðir þeirra beinast í þá átt að fá lausa félaga sína og fjármagn til áfram haldandi rekstrar sjálf síns.

Því má ljóst vera, að alrangt er að bendla kommúnista eða vinstra fólk yfirleitt við

þessa glæpahópa. En það er einmitt það sem þýska borgara stéttin gerir. Skerðir frelsi vinstri-sinna í nafni baráttu gegn borgarskæruliðum. Þannig má sjá að þessir hópar eru vinstri-sinninum til hinnar mestu óþurftar og attí það eitt að sanna óskyldileikann þar á milli.

Lögregluríki.

Þýskaland er orðið lögregluríki. Við sáum í sjónvarpinu s. l. laugardag (29/10) í frétt frá útför Baaders og félaga hans tveggja að þar treystu menn sér ekki til að mata nema dulklaðir. Lögreglan stofnaði til vandræða og kraffist þess, að fá að sjá persónuskilríki jarðarfargesta. Til hvers? Einfaldlega til þess að fullkomna spjaldskrá lögreglunnar yfir rottakt fólk.

Það er ekki hægt að kenna borgarskæruliðum um þessa þróun. Borgarastéttin þýska greip til þess ráðs þegar 1968 að hefta lýðræðið og þá voru engir Baader-Meinhof hópar til.

Eitt má vera ljóst, það er að í Þýskalandi eru enn í háttsettum stöðum menn sem voru starfandi félagar Hitlers. Dæmi þess er hinn nýdrepni Schleyer. Þannig þarf slík þróun ekki að koma á óvart í Þýskalandi.

FRAMHALD AF FORSÍÐU:

Verkfallsvopnið
og BSRB:

félaganna og gera fjöldanum ókleift að starfa að eigin kjara-baráttu svo þeir geti ótruflaðir gengið að svikasamningum við ríkisvaldið eða borgaryfirvöld.

Aðgerðir ASÍ forystunnar.

Þetta er einmitt sú aðferð sem ASÍ forkófkarnir hafa beitt með göðum árangri undanfarið ár. Félagar í ASÍ hafa enga möguleika á að fylgjast með samningaviðræðum meðan þeir eru í verkfalli nema í gegnum fréttamiðla borgaranna.

Því síður hafa þeir nokkurn möguleika að að hafa nein áhrif á gang mála við samninga borðið. Síðasta dæmið um það hvernig aðferðum ASÍ forystan beittir til að hindra að verkafólk nái fram mannsæmandi kjörum voru samningarnir í sumar. Þar var samið um smán arlaun fyrir meginþorra verka-

folks, án þess að verkfallshörun eða verkfallsvopninu væri beitt af neinni alvöru. Síðan var skrifað undir, og samningarnir keyrðir í gegn á fundum an þess að verkafólk fengi neitt takifær til að koma fram með sínar

skoðanir og vilja. Við næstu samninga verða félagar ASÍ að berjast fyrir því að haldnir verði fundir í félögunum dagleg ef til verkfalls kemur. Það er eitt skref í þá átt að auka lýðræðið innan ASÍ og gera félögin að baráttutækjum fjöldans.

Þótt samningarnir verði þykktir í allsherjaratkvæða-greiðslunni 9. og 10. okt er mikil nauðsyn á að sú virkni sem skapaðist í verkfallinu haldi áfram. Framundan eru sersamningar félaganna, sem eiga að verða afgreiddir innan 45 daga. Við þá samningagerð verða félagar BSRB að krefjast lýðræðislegrar umræðu og ákvarðanatæktar um þær kröfur sem lagðar eru fram.

HAFIÐ SAMBAND VIÐ
KOMMUNISTAFLOKK ÍSLANDS M-L

● Miðstjórn og ritstjórn Stéttabaráttunnar, sími: 27810 og pósthólf 1357, 121 R. einnig í Ránðu Stjórnumi bókaúð. Lindargötu 15. Ópið mánað. -föstud 15-19, 30

● Akureyri: Jón Atli Játvarðsson, Hafnarstræti 23.

● Hafnarfjörður: Fjola Rögnvaldsdóttir, Reykjavíkur-vegi 24.

● Hornafjörður: Skúli Waldorff, Silfurbraut 2.

● Ísafjörður: Kristinn Karlsson, Fjarðarstræti 7.

● Neskaupstaður: Messíana Tómasdóttir, Þiljavöllum 38.

● Snæfellsnes: Sigríus Almarsson, Hellisbraut 10, Hellissandi, og Gísli Hjaltason, pósthólf 63, Stykkishólmi.

● Suðurnes: Einar Jónsson, Sólvalldargötu 40c, Keflavík.

Laugarvatn: Einar Jónsson, Menntaskólanum Laugarvatni.

● Danmörk: Magnús Þorgrímsson, Börghum Kollegiet v. 444 Börghum-vej 2, 8240 Risskov.

● Svíþjóð: Kristján L. Guðlaugsson, Kámmarsvægen 3A-218, 222 46 Lund.


Alþýðulist
er vopn

Framhald af baksíðu:

En þetta er alls ekki nóg, miklu fleiri geta lagt sitt að mörkum og lífgað þannig menningu hinna vinnandi stétta þjóðfélagsins. Án byltingar-sinnaðrar menningar verður frelsi alþýðunnar aldrei að veruleika. Alþýðumeningin hefur raunar úrslitabýðingu í stéttabaráttunni.

Nú standa yfir sýningar á Skollaleik, leikriti Bóðvars Guðmundsonar, í Lindarbae.

Sýningarnar fara fram á mánuðögum, fimmtudögum og sunnudögum. Stéttabaráttan hvetur alla sem vettlingi geta valdið til að fara og sjá leikritið. Þeir sem þegar eru búnir að sjá það ættu endilega að skella sér aftur það er vel þess virði.



...í Stuttu máli

Frönsk íhlutun í V-Sahara.

Franska stjórnin hefur nú sent herlið til V-Sahara til að berjast gegn frelsishreyfingunni POLISARIO. Ástaðan fyrir þessari íhlutun frakka er að sögn frönsku stjórnarinnar sú, að POLISARIO hefur nú í haldi 13 franska gísla. POLISARIO hefur lýst því yfir, að þar sem franska stjórnin styddi afturhaldsöflin í Marokkó og Mária-taníu bæði með vopnum og hernaðarráðgjöfum og styrkti þau þannig í baráttunni gegn Frelshreyfingu Vestur-Sahara. Íti hreyfingin á franska þegga sem óvini, og yrði farið með þá sem slíka.

Í stað þess að velja þá leið til að fá gíslana framselda, að hætta þegar stuðningi sínum við afturhaldsöflin hefur frönsk borgarastétt sýnt heimevaldaeðli sitt, með því að senda herlið til að berjast við hermenn frelsishreyfingarinnar.

Frakkar virðast þannig ekkert hafa lært af fyrri ósigrum sínum til dæmis í Víetnam og Alsír.

Hans Martin Schleyer og vinir hans

Þegar nasistarnir höfðu völd yfir þýska ríkinu, var það í nánu samstarfi við þýska stórborgarastétt (eigendur einokunarhringa og banka). Það var reyndar í hennar þágu sem þeir störfuðu fyrst og fremst. Það sjáum við skýrt, þegar við lítum yfir verk þeirra og áætlanir. Það fyrsta sem þeir gerðu var að banna kommun ístaflökkinn og myrða þá af félögum hans sem þeir náðu í, eða senda þá í fangelsi.

Til að dylja að hér var um stétta átök að ræða (nasistarnir hrópuðu "stétt með stétt" eins og íhaldið og Moggin nú) þá lögðu þeir áherslu á að kynda að glóðum kynþáttahaturs. Á þeim grundvelli var aðförfn að kommúnistum þýsklands á þriðja áratugnum. Kommúnisminn var kallaður "gyðingasamsæri" upprunnið frá "gyðingnum Karl Marx". Það er athyglisvert að Hannes Gissurarson sem hefur tekið upp mörg af rökum nasismanns þalaði líka um "gyðinginn Karl Marx", þegar hann reyndi með fólsum og útirnúningum að ata hann auri, í útvarpserindi sem honum var úthlutað til að uppfræða íslenska alþýðu um kommúnismann. Annað það

sem var á óskalista þýsku stórborgarastéttarinnar var að hefta starfssemi verkalyðsfélaganna, fá ódyrt vinnuafli og yfirráð yfir fleiri hráefnalindum og auknum mörkuðum. Þetta reyndu þýsku nasistarnir dyggilega að uppfylla. Verkalýðsfélögin voru bönnuð og í stað þeirra stofnuð félög sem atvinnurekendur áttu einnig sæti í. (stétt með stétt, í framkvæmd). Öll mótmæli verkafólks voru barin niður með hjálp lögreglu og hers. Þessi félög sáu að sjálfsögðu aðeins um hagsmuni atvinnurekenda og er ekki furða að íslensk borgarastétt óski sér sömu aðstöðu, það er að banna verkföll. Nasistarnir komu á fót þrælubúðum, (kallaðar vinnubúðir), þar sem kommúnistar, gyðingar og hertekið fólk, vann undir eftirliti hermanna. Baráttan fyrir "lífsrými" þýskrar stórborgarastéttar var staðreynd sem ekki fór fram hjá neinum.

Von þýsku stórborgarastéttarinnar um alheims markað fyrir þá og þræla með engin lýðræðtindi, -dó á sléttum Sovétríkja. En sá dauði þýddi ekki dauða þýskrar stórborgarastéttar. Hún hélt öllum



Hans Martin Schleyer á fundi v. þýska vinnuveitendasambandsins.

stöðum sínum í Vestur Þýskalandi, sem var undir verndar klóm bandarísku borgarastéttarinnar. Gömlu nasistarnir héldu ekki aðeins völdum yfir fyrirtækjum og bönkum, heldu líka í lögreglu og dómskerfi.

Í dag sjáum við sömu starfsaðferðum beitt og hjá nasistur áður, Erlendum verkamönnum er kennt um erfiðleikana í iðnaði og blásið að glóðum haturis á þeim. Aðgerðir örfárra hermdarverkamanna eru blásnar upp til að réttlæta skerðingu á ritfrelsi. Í lögum um hvað megi segja og skrifa, er bannað að tala um að steypa ríki þýskrar borgarastéttarog auðvald og arðran eru einnig bannorð. Hermdarverkamenn sem aðeins berjast fyrir að viðhalda sjálfum sér, eru kallaðir vinstri menn til að hægt sé að réttlæta bann á starfsemi vinstri flokka. Þá gætu þessir hópar sumir hverjir verið á snærum nýnasista eða lögreglu. Dæmi um það sýðarnefnda er frá Frakklandi. Þar bjó lög reglan til hryðjuverkamanninn

frh. á bls. 2

setti verk bann á málmiðnaðarmenn í verkfalli, í Baden Württemberg 1966.

Schleyer fæddist í Offenburg þann 1. maí 1915. 16 ára gamall gekk hann í æskulýðssamtök nasista og varð fljótt félagi í flokki þeirra, sem og SS hryðjuverkasamtökum nasista sem einnig þjónuðu sem persónulegur lífvörður Hitlers 1933 þegar nasistar náðu völdum var hann gerður að yfirmanni stúdentasamtakanna í Heidelberg og hafði þá með höndum að auka veg nasismans meðal stúdenta. Eftir hernám Austurríkis 1938 starfaði hann að sama markmiði þar í háskólanum í Innsbrück, en þaðan var hann útskrifaður doktor í lögum. Eftir hernám Tékkóslóvakíu 1938 fór Schleyer til Prag þar sem hann gerðist yfirmaður iðnaðarsambands Böhémíu og Móravíu. Hann slapp við að vera sendur á víg stöðvarnar, enda persónulegur vinur Göbbels. Í Prag vann hann m. a. að því að skipuleggja hagnýtingu vinnuafis fanga í þrælubúðum nasista. Í lok stríðsins var hann handtekinn í Prag og eyddi þremur næstu árum í fangelsi í Frakklandi. Eftir að vera sloppinn þaðan hóf hann störf hjá bílahringnum Daimler-Benz og var gerður að forstjóra þess fyrirtækis 1963. Schleyer látur eftir sig konu og fjóra syni.

Þessi klausa er tekin upp úr Vísi, þarfi varla að fara í grafgröt með til hvers þetta er skrifað.

Þeir, sem telja sig best þekkja til hryðjuverkaafllanna, segja, að þessi öfgasamtök byggi starfsemi sína jafnt að skoðanabráðum um lönd öll, sem aldrei taka sér vopn í hönd, og hinum, sem vinna svo illvirkin. Þessi skoðanasystkin ljá hryðjuverkamönnum húsa-skjól, sjá þeim fyrir fari til ákvörðunastæða og útvega þeim vegabréf, þótt þau kannski veigri sér við að vinna sjálf ódæðisverkin.

RAUDUR VETT VANGUR frá lesendum

GAMLAR LUMMUR AÐ ÝÐUBANDALAGSINS Í HERMÁLINU:

Meðfylgjandi úrklippa er úr leiðara Þjóðviljans 1. nóv. s. l. Þar er auðsjáanlega verið að hita upp fyrir kosningabaráttuna í vor og er ekkert til spar að. Mér virðist þó, sem leiðarahöfundur fatist nokkuð flugið þegar hann telur að tvíendurtekin svik sósíalista í tveimur vinstri stjórnum geri það að verkum að herstöðvaandstæðingar geti aðeins reitt sig á Alþýðubandalagið. Sú reynsla sem við herstöðvaandstæðingar höfum fengið af vinstri stjórnunum tveimur er hins vegar sú, að á það sé ekki að treysta. Ráðherrarnir hafa sýnt, að þeim var meira í mun, að halda í ráðherra-

stólana en að standa við getin loforð. Þess vegna leggjum við herstöðvaandstæðingar ekki traust okkar á Alþýðubandalagið í herstöðvamálinu heldur á eigin afl og eigin baráttu. Með leiðum fjöldabaráttunnar mun okkur takast að ná fram markmiðum okkar: Ísland úr NATÓ-Herinn burt.

Herstöðvaandstæðingur

Énn einu sinni verður gengið til kosninga og þá verður tekið á um herstöðvamálið. Reynslan úr vinstri stjórnunum tveimur sýnir að sósíalistum er einum treystandi til þess að knýja fram niðurstöður í herstöðvamálinu. Þannig er Alþýðubandalagið eini flokkurinn sem herstöðvaandstæðingar geta reitt sig á að hvergi hviki frá settu markmiði.

Framhald af forsiðu

Handprjóna samband Íslands

andið mun innan fárra daga opna skrifstofu að Skólavörðu. Stígr 19 í húsnæði sem Rafafi mun leggja þeim til ókeypis fyrst um sinn.

Þegar til þessa fundar var boðað höfðu þegar á fimmta hundrað konur látið skrá sig í félagið, og enn fleiri skráðu sig á fundinum. Ekki þarf marga félagsmenn til að greiða árgjald sitt til að fjárhagur sambandsins verði nokkuð traustur og stofnframlag sem verður líklega andvirði tveggja peysa muna gera sambandinu kleift að hefja störf sín af kappi.

Prjónakonur. Of lengi hefur viðgengist að kaupendur prjónavöru séu einráðir um verð vörunnar. Þegar þið fylkið liði um samtök ykkar munuð þið geta fengið tvöfalt verð fyrir vörur ykkar og losnið þar að auki við margan snúning og ferðalög. Stofnið félög handprjónara í heima byggð ykkar og sameinist um Handprjónasamband Íslands. Þeir sem framleiða vöruna skulu einnig njóta arðsins af henni. SÍMI FORMANNSINS HULDU GÍSLADÓTTUR ER: 99-1967 SELFOSLI.

LÖG HANDPRJÓNA-SAMBANDS ÍSLANDS

1. gr.

Félagið heitir Handprjónasamband Íslands. Starfssvið félagsins er allt landið. Stjórnin hefur aðsetur í Reykjavík.

2. gr.

Tilgangur félagsins er sá, að efla og styðja hag félagsmanna á þann hátt sem kostur er, með því að beita sér fyrir sanngjörnum launum fyrir handprjón í heimahúsum og með því að skipuleggja innan félagsins alla sem vinna í þeirri starfsgrein. Félagið beitir sér fyrir banni á utflutningi óunninnar ullar.

3. gr.

Félagið er opið öllum handprjónurum og öllum sem starf þeirra vilja styrkja.

4. gr.

Sá sem vill verða félagsmaður skal senda stjórn félagsins skriflega inntökubeiðni. Stjórn félagsins samþykkir inntökubeiðnina ef skilyrðum 3. gr. er fullnægt.

5. gr.

Félagsmenn eru skyldir til að hlýða lögum félagsins og fundarsamþykktum.

6. gr.

Stjórn félagsins skipa 5 félagar, 2 til eins árs og 3 til tveggja ára, formaður, varaformaður, ritari, gjaldkeri og meðstjórnandi.

7. gr.

Aðalfundi skal halda í mars-apríl ár hvert. Boðað skal til þeirra með mánaðar fyrirvara. Gerir þá stjórn félagsins greið fyrir störfum sínum á liðnu starfsári og leggur fram endurskoðaða reikninga sjóða félagsins. Aðalfundur kys stjórn félagsins og tvo endurskoðendur. Aðalfundur getur einn breytt lögum félagsins, ef hann er löglega boðaður.

8. gr.

Á aðalfundi skal félagsgjald ákveðið fyrir næsta starfsár.

9. gr.

Félagið heldur fundi þegar stjórn félagsins telur þess þörf. Til funda skal boðað með viku fyrirvara. Verðlisti og meiriháttar ákvarðanir í kaupgjaldsmálum skulu bornar undir félagsfund.

10. gr.

Félögum ber að kappkosta að vanda vöru sína og selja ekki nema fyrsta flokks fatnað. Félagar skulu styðja hvor annan í starfi og greiða fyrir sölu vörunnar ef hægt er.

Attica fangelsið og lygar yfirvalda.

Fyrir stuttu sýndi sjónvarpið mynd frá uppreisn í Attica fangelsinu í New York. Fangarnir gerðu þá uppreisn gegn slæmum aðbúnaði og tóku nokkra fanga-verði í gíslingu. Athyglisvert er að allir fangarnir í þessu fangelsi ko. á úr lægri stéttum þjóðfélagsins; svertingjar, innflytjendur og fleiri. Má gjarnan bera saman aðbúnað þarna og svo hins vegar í fangelsum "hvítflibanna" eins og til dæmis því sem Watergate-syndaseliðir sitja í. Í þessum "hvítflibba"-fangelsum eru golfvelli og einkaíbúðir og á heimsóknatímum fylla Rolls Royce og alls kyns Kaggar, bílastæðin fyrir utan. Þá fá fangar þar rífleg leyfi til að skreppa í heim sóknir til vana og vandamanna.

Fangarnir í Attica fangelsinu komu úr þeirri stétt þjóðfélagsins sem ekki hefur rétt til að rífa kjaft og þegar þeir gerðu uppreisn, var allt búið undir að skjóta þá eins og óða hunda. Það átti að kenna þessum hópi í eitt skipti fyrir öll að uppreisnir borguðu sig ekki. Móðursýki sem nögnuð var upp meðal hers og lögreglumanna, sem inn áttu að ráðast, er samskonar og í öllum slíkum tilvikum. Alið er á ötta og hatri í garð uppreisnarmanna. "Vildir þú vera í sporum varðanna í garðinum með hnífum á hálsinum?" (Aldrei sást slíkt þó á myndum).

"Hugsðu um börn þessarmanna og konur þeirra, sem skæla fyrir framan sjónvarpið! Það var ekki hugsað eins mikið um þær þegar menn þeirra voru skotnir af lögreglunni. Uppreisnarmenn eru úthrópaðir sem "litlir gúlur djöflar" 2 skifti ugir glæpamenn" og "helvítis kommúnistar" Og til að "lýðræðinu" sé ekki hættá búið erekkert talið sjálfsagðara en að kæfa uppreisnir í blóði. Þegar svo gíslarnir eru "frelsaðir" og margir þeirra og jafnvel allir eru skotnir, þá heiti það að uppreisnarmenn hafi myrt þá. Var það bara fánægleg bjartsýni yfirvalda að halda sig komast upp með að segja gíslana hafa verið skorna á háls, þegar vitað var að daginn eftir sýndu læknar fram á að þeir hefðu verið skotnir af lögreglunni? Nei þetta var ekki bara bjartsýni. Fyrri íréttir um að gíslarnir hefðu verið skornir á háls, var mun betur auglýst og fór víðar um heim, auk þess sem hún skapaði með mönnum hatur á föngunum, sem ekki hvarf, svo auðveldlega þótt hið sanna kæmi í ljós. Lygar um morð hryðjuverkamanna á gíslum eru margar. Í "Harmkeiknum í München" voru 11 ísraelskir íþróttamenn skotnir á flugvellinum af lögreglumönnum sem voru að frelsa þá. Síðan var þýrta ræningjanna skotin niður og létust allir um borð, flugmaðurinn líka. Palestínskir skæruliðar tóku eitt sinn skólabörn í gíslingu. Ísraelskir hermenn slutu fjölda barnanna við frelsun þeirra og afhentu trylltum múgunum lík skæruliðanna og særður skæruliði var rifinn af sjúkrahöfum og barinn í hel. Síðan var troðið á líkunum og þau brennd. Fólk sem lést við frelsun gíslanna á Entebbe var skotið af ísraelska hernum. Þar létust bæði farþegar, flugvallarstarfslið og allir skæruliðarnir.

Þau dæmi sem hér hafa verið tekin eru fá af mörgum. Fólk hefur gripið til ofbeldis gegn kúgun. Þetta ofbeldi magnað lygum yfirvalda hefur verið notað til réttlætunar ofsókna og enn harðara ofbeldis gegn hverjum þeim sem berst gegn kúgun.



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
39. tbl. 8. 11. 1977



STÉTTABARÁTTAN
-kemur út vikulega-
Sími: 27810.
Gíró: 27810-6.

Abyrgðarm: Sigurður
Ingi Andrússon.

Sigurður Jón Ólafsson
Móðrafelli 15
R.



Þessi mynd er tekin fyrir utan skrifstofur sambands sósíalískra sfúðenta í V-Berlín þann 11. apríl 1968, en þá var leiðtoga róttækra sfúðenta, Rudi Dutschke sýnt banatilræði.

Baader Meinhof

Það hefur sjálfsagt ekki farið framhjá neinum að svokallaðir borgarskæruliðar í V-Pýskalandi hafa verið iðnir við að koma málum sínum á framfæri þótt ekki hafi þeir haft erindi sem erfiði.

En hvað er þetta fyrirbæri borgarskæruliði?

Uppruninn.

Upphaflega er þessi hreyfing sprottin upp úr sfúðenta-hreyfingu Evrópu sem stóð fyrir miklum mótmælaaðgerðum gegn auðvaldspjóðfélaginu, einkum í Frakklandi og Þýskalandi.

Valdastéttir þessara landa brugðu hart við og gripu til þess ráðs að kafa þessi mótmæli með vopnavaldi. Það tókst m. a. vegna einangrunar sfúðentanna frá verkalyðs-hreyfingunni og raunar vegna vonleysis þeirrar hugmyndar að sfúðentar geti verið forystuafli byltingarinnar.

Þessi hörkulegu viðbrögð valdastéttanna hlutu að kalla á andsvör hreyfingarinnar.

Hafa verður það í huga, að þessi hreyfing er ekki ein samstæð heild heldur meira og minna ósamstæðir hópar með misjafnar hugmyndir. Gott dæmi er Fylkingin á þessum tíma (um 1968). Þá voru allir ismar til þar, eins konar hrærigrautur og stefnan í stíl.

Upphlaup og handahófskenndar aðgerðir voru einkennandi.

Að einhverju leyti eiga þessar hreyfingar rætur að rekja til andstöðu við Vítanamstríðið.

Upp úr slíku ástandi getur margt gerst. Meira að segja uppi á Íslandi glóptust menu út í vafasöm ævintýri og tilraunir til sprengjuleika. Einnmitt úr Fylkingunni.

Viðbrögð valdastéttarinnar á Íslandi urðu allt önnur en bræðra þeirra erlendis.

Enda varð hreyfingin aldrei eins öflug hér og erlendis. Við skulum hins vegar hafa það hugfast að íslenska valdastéttin hefði gripið til samskonar aðgerða ef hún hefði talið þess þörf. Vissulega sigaði hún lögreglu á vissa háða í vissum tilvikum og afskipti lögreglu að róttækum hreyfingum hafa ekki verið könnuð t. a. m. símahleranir og fleira.

Á meginlandinu þróuðust málín öðruvísi. Valdastéttin þar lét kné fylgja kviði og réðist gegn róttækum öflum og reyndi að hefta starfssemi þeirra. Lögreglu var beitt miskunnarlaust gegn mótmælendum, þýska þingið samþykkti lög sem þrengdu lýðræðið verulega og hægri-sinnar gerðu morðárásir á mótmælendur hvað eftir annað. Sem dæmi má nefna tilraun þýssks fasista til að myrða leiðtoga sfúðenta þar, Rudi Dutschke.

Framhald á síðu 2

Alþýðulist er vopn

Listir eru hlutverulegt fyrirbrigði sem þróast fram með stéttum þjóðfélagsins. Þannig taka listir afstöðu með eða móti hinum hinum stríðandi stéttum og eru virkur þátttakandi í stéttabaráttunni. Borgarastéttin hefur sínar listir sem þjóna hennar hagsmunum, rétt eins og vinnustéttirnar hafa sínar listir. Engin list er list listarinnar vegna, því listir eru til að þjóna fólkinu.

Þess vegna leggjum við tvennan skilning í hvers konar listir þ. e. listrænan og pólitískan.

Íslensk auðstétt er sér vel meðvituð um hvers kyns list og menningu henni ber að styðja og eins hvers kyns list og menningu henni ber að berjast gegn. Því í þjóðfélaginu takast á annars vegar menning alþýðunnar og hins vegar menning borgarastéttarinnar. Það er því ósköp eðlilegt þar sem auðvaldið blómstrar eins og á Íslandi að alþýðulist eigi erfitt uppdráttar. En að sjálfsögðu mun barátta alþýðunnar sigra þar eins og annars staðar.

Það verður ekki átakalaust og á ekkert hefur alþýðan að treysta nema sinn eigin mátt og megin. Því öðrum kröftum er ekki til að dreifa.

Alþýðuleikhúsið.

Í frumvarpi til fjárlaga fyrir árið 1978, höfum við nýlega



Atriði úr Skollaleik, sem Alþýðuleikhúsið sýnir í Lindarbæ um þessar mundir.

fengið dæmi um stéttarlega afstöðu ríkisvaldsins til alþýðlegrar leiklistar. Þar er gert ráð fyrir 385 milljón króna fjárveitingum til leiklistarstarfsemi. Þjóðleikhúsið fær þar af 359

milljónir, önnur leiklistarstarfsemi 26 milljónir. En Alþýðuleikhúsið fær ekki svo mikið sem krónu.

Þó hefur Alþýðuleikhúsið farið tvær sýningarferðir kring um landið og í leikför til Norðurlanda. Hvarvetna fyrir fullu húsi og fengið góðar undirtektir. Kostnaðarhliðin á rekstri leikhússins er að sjálfsögðu mjög mikil og hvílir þungt á herðum aðstandenda þess. Að vísu hafa aðrir aðilar annað álít á alþýðuleiklist en íslensk

stjórnvöld s. s. ýmis félagasamtök, og er það vel. T. d. hefur norræni menningarmálasjóðurinn styrkt Alþýðuleikhúsið fjárhagslega og eins hafa verkalyðsfélög hlaupið undir bagga.

Nú er um að gera að fleiri alþýðusinnaðir listamenn taki sér frumkvæði Alþýðuleikhússins til fyrirmyndar og blási lífi í glæður allrar alþýðlegrar menningar, hvort sem það er á sviði leiklistar, tónlistar eða bókmennta. Utgáfufyrirtækið Gagn og gaman er stórt spor í rétta átt, þar sem ungt listafólk tók sig saman um að gefa út hljómplötur með vandaðri tónlist og baráttusinnuðum textum.

Framhald á síðu 2



Lögreglulið Vorster-stjórnarinnar býst til árásar á blökkumenn í Soweto síðast liðið sumar.

Steve Biko (myrtur blökkumaður)

Morðið á asaníska blökkumannaleiðtoganum Steve Biko hefur að vonum vakið almenna reiði víða um heim. Á undan honum hefur þó fjöldi annarra blökkumanna svo og indverja og kynblendinga verið myrtir í fangelsum Vorster-stjórnarinnar, eða horfið sporlaust, þótt vesturlenskir fjölmiðlar hafi að mestu þagað yfir slíkum atburðum. Yfirlýsingar Vorsterstjórnarinnar um að flestir þeir sem látist hafa í S-Afrískum fangelsum hafi sjálfir fyrirfarið sér, hafa lengst af þótt nægilega góð skýring fyrir íbúa norðurálfa. En Steve Biko var of þekktur til að fjölmiðlar gætu þagað yfir morði hans. Hann var ekki aðeins þekktur meðal alþýðu lands síns, heldur einnig víða erlendis, og þá ekki síst meðal afríkanskra þjóðarleiðtoga. Morð á jafn virtum leið-

toga blökkumanna og Steve Biko var, samfara síauknum fasistaaðgerðum S-Afríska hersins og lögreglunnar sýna glögglega að uppgjöf og örvinglan er að grípa um sig hjá Vorsterklíkunni. Digurbarkalegar yfirlýsingar Vorsters um að blökkumenn í S-Afríku séu háðari hvítum mönnum, en hvítir þeim svörtu, breyta þar engu um.

Morðið varð hins vegar óbeint til þess að málefni Asanfu voru tekin fyrir hjá Saminuðu þjóðunum. Carter forseta tókst þó að koma í veg fyrir, að öryggisráðið samþykkti algert verslunarbann á S-Afríku, en í því máli beitti USA ásamt frökkum og bretum neitunarvaldi sínu. Til að halda andlitinu gagnvart þjóðum Afríku knúði Carter hins vegar stjórnir Bretlands og Frakklands til að gangast inn

á 6 mánaða vopnasölubann á S-Afríku. Hvort þann þetta verður virt eða ekki mun síðar koma í ljós, en andstaða bréta og þá ekki síst frakka við vopnasölubannið hefur sýnt hversu gífurlega mikilvæg vopnasalan er þessum ríkjum og ekki síst hve þær meta styrk Vorster klíkkunnar líttinn. Þær vita sem er að án stöðugra vopnasendinga og pólitísks stuðnings myndi stjórinn í Pretoríu ekki geta haldið völdunum lengi.



Frá Lundi

Stéttabaráttunni hefur borist sú ánægjulega frétt, að um 60 manna hópur Íslendinga í Lundi í Svíþjóð hafi stofnað starfshóp herstöðvaandstaðinga. Þetta verður vonandi fordæmi fyrir fleiri herstöðvaandstaðinga til að gera hið sama jafnvel þótt þeir séu staddir erlendis um tíma. Frumkvæði eins og sýnt hefur verið í Lundi er mjög mikil ilkvægt og verður vonandi öðrum til eftirbreytni. Sameiginlegt átak virkra fjöldasamtaka mun eitt geta tryggt sigur í þessu máli.

ÍSLAND ÚR NATÓ-HERINN BURT.

Stéttabaráttan

Nú hefur áskrifta og söluherferðin staðið í rúma tvo mánuði og eru því tæpir tveir þar til henni lýkur. Lausasalan er með besta móti, en hvað áskriftasöfnunina áhrærir verðum við að taka á honum stóra okkar til að ná markmiðinu.

Fyrir áramót verðu. Stéttabaráttan prentuð á aðra prent vél en verið hefur, og verður útlit og stærð blaðsins þá allt með betra horfi heldur en verið hefur.

Aukin útbreiðsla blaðsins-Bættur fjárhagur-Tíðari úrgáfa.

Hamarinn sýnir aukningu lausasöluunnar frá upphafi herferðarinnar, 1 september s. l. Sigðin telur aukningu áskrifenda á sama tímabili.

Nýjar áskriftir skal póstsenda til: Rauðu Stjórnunnar Lindargötu 15, Pósthólf 1357. S: 27810

